

婦
科
玉
尺

沈氏尊生書卷三

婦科玉尺

小產

沈金鰲撰

小產元氣虛損不能榮養乎胎而自墮。昔人譬之以枝枯則果落，
藤萎則花墜是也。然或勞怒傷情，內火發動，亦能墮胎，則猶風撼
其木，人折其枝也。夫火能消物，造化自然，說者乃謂風冷傷其子
臟，此未得病情者也。大抵屬虛屬熱，當視其輕重而治之耳。是知
正產者，正如果中粟熟，其殼自開，兩無所損。半產者，則猶之採斫
新粟，碎其膚殼，損其皮膜，然後取得其實，以其胎臟傷損，胞系斷
壞，而後胎至墮落，故小產後須十倍調治，總以補血生肌，養臟生
新，去瘀爲主。世有一種恣情妄爲，偷生不正，或多男女，厭于養育，
往往以草藥毒之，每至敗血不下，沖心悶亂，喘汗交作而死者，急

須以解毒行血藥救之

宜白扁豆散

或有受孕至三五七陽月胎必墮

者宜未至應墮之期先清其熱

宜芩木湯安胎丸

若氣不足預行補助

八宜 珍明醫雜著云凡小產多在三五七月若前次三個月墮則下胎

必如期復然故須于前次小產後多服養氣血固胎元之藥以補

其虛下次有胎必于兩個月半後即服清熱安胎藥數帖以防三

月之墮至四個半月再服數帖防過五月至六個半月再服數帖

以防七月之墮至九個月服達生散數帖則可保無虞矣

宜千金保胎丸

金匱當歸散芍歸補中湯五味安胎丸安榮湯和痛湯

孰謂小產而可忽視哉凡小產後諸

病與產後參看

脉法 脉訣曰半產漏下革脉主之弱則血耗立見傾危 脉

經曰陰脉浮而緊緊則疝瘕腹中痛半產而胎墮

蓋按脉訣脉經所言皆由

內因而墮胎者若由跌扑挫犯及誤服毒藥則不得拘此

墮胎 陳自明曰凡妊婦腰痛多墮胎又妊未足月而痛如欲產或應產而難或爲子煩用知母一味蜜丸米湯下或蒲黃末水調錢許亦效 朱震亨曰有賈氏婦但孕三月左右必墮診其脉左手大而無力重取則澁知其少血也以其妙年只補中氣使血自榮時正初夏教以濃煎白朮湯下黃芩末一錢三四十帖遂得保全而愈 王綸曰有數墮胎胎元損甚者服藥須多且久則可以留方用四物加人參白朮陳皮茯苓甘草艾葉阿膠條芩多氣加砂仁香附有痰少加半夏麴黃芩爲安胎聖藥清熱故也暑月尤宜加用養胎全在脾胃故白朮補脾爲安胎君藥若因氣惱致胎不安宜川芎陳皮甘草茯苓多加砂仁少佐木香以行氣 王肯堂曰袁了凡先生云受胎在腹七日一變展轉相成各有相生今婦人墮胎在三五七月者多在二

四六月者少臟陰而臟陽。三月屬心。五月屬脾。七月屬肺。當在五臟之脉陰。常易虧。故多墮耳。惟一月墮胎。人皆不知有胎。但謂不孕。不知其受而墮也。一月屬肝。怒則墮。多洗下體。則竅開。亦墮。既墮一次。則肝脉受傷。他次亦墮。今之無子者。大半是一月卽墮。非盡不孕也。故凡初交之後。最宜將息。切無交接。以擾子宮。勿怒。勿勞。勿舉動。勿洗浴。而又服養肝平氣之藥。胎可固矣。萬全曰。孕而多墮者。男子貪淫縱情。女子好慾性偏。又好食辛熱。暴損衝任。故也。其膏粱藜藿不同。慾之多寡。故也。有等婦人。有胎似無。胎痰氣疼痛發熱。醫者不明醫理。不知胎宜養。病宜攻。妄施攻耗。豈不悞歟。故養胎者血也。護胎者氣也。或有婦人小產太多。至中年欲保全。設法服藥。但慾心不絕。又百凡上氣逆損衝任。因而殞命者。有之。又曰。脾胃傷。則胎易墮。寒熱

交雜子亦多痰。況多食酸傷肝。多食苦傷心。多食甘傷脾。多食辛傷肺。多食鹹傷腎。隨其食物。傷其臟氣。不但胎易墮。卽不墮。子病亦多。又曰。喜傷心。氣散。怒傷肝。氣上。思傷脾。氣鬱。憂傷肺。氣結。恐傷腎。氣下。母氣既傷于氣。應之母傷。則胎易墮。子傷。則臟氣不和。多盲聾瘖瘡。癰疽。呆癲。癰。又曰。孕後行立坐臥。若太久。則筋骨肌膚受傷。子在腹中。氣通于母。必有傷者。睡臥處。要人護從。恐邪氣侵也。虛險處。母往來。恐墮跌也。張介賓曰。凡墮胎者。或氣虛而提攝不固。或血虛而灌溉不周。故善保胎者。專顧血。虛以胎元。飲爲主。次則芍藥芎歸湯。次則泰山磐石散。千金保孕丸。皆有奪天之功。又胎熱者。血易動。血動者。胎不安。故墮于內熱而虛者。正多。如脾氣虛而血熱者。四聖散。肝腎虛而血熱者。涼胎飲。肝脾虛而血熱者。固胎煎。此外凡有他症而胎

不安者。當于安胎條中酌治。陳士鐸曰。小產非正產之症。亦可作產前治。蓋小產之氣血亦大傷。宜急補之。則日後坐胎。不至再有崩漏。用人參當歸白朮各五錢。茯苓三錢。熟地一兩。杜仲二錢。炮姜五分。此方乃補氣補血之聖方。胎動而下。必損帶脉。補其氣血。則帶脉損處。可以重生。他日受孕。不致有再損之虞。武之望曰。日月未足。胎氣未全。而產者。謂之半產。俗呼小產。由妊婦衝任氣虛。不能滋養于胎。胎氣不固。或擲撲閃墮。致氣血損動。或因熱病溫瘧之類。皆令半產。忌黑神散。恐犯熱藥。轉生他疾。宜玉燭散和經湯之類。薛氏云。小產重于大產。但人輕忽。致血者多。治法宜補。形氣生新血。去瘀血。若未足月痛而欲產。芎歸補中湯。倍加知母止之。產而血不止。人參黃芪湯。產而心腹痛。當歸川芎湯。胎氣弱而小產。八珍湯。血出過多而發。

熱聖愈湯汗不止急用獨參湯發熱煩躁肉瞤筋惕八珍湯大渴面赤脉洪而虛當歸補血湯身熱面赤脉沉而微四君加姜附東垣云晝發熱而夜安靜是陽氣自旺于陽分也晝安靜而夜發熱是陽氣下陷于陰分也晝夜俱發熱重陽無陰也峻補其陰王太僕云如大寒而甚熱之不熱是無火也熱來復去晝見夜伏夜發晝止時節而動是無火也如大熱而甚寒之不寒是無水也熱動復止倏忽往來時動時止是無水也陽氣自旺者四物二連湯陽氣陷于陰者補中益氣湯重陽無陰者四物湯無火者八味丸無水者六味丸

治小產病方

白扁豆散

治服打胎毒藥。白扁豆爲末新汲水下三錢卽甦口噤者扶口灌之

芩朮湯

清熱安胎

條芩

白朮

安胎丸

治同上 即將前方為丸白湯下

金匱當歸散

治同上 黃芩 白朮 當歸 川芎 白芍 各一兩 每末二錢酒下或酒糊丸米湯下亦

可。按古人用朮燥淫芩清熱固已而胎尤賴血培養此方加川歸芍以補血則胎自安且易產所生子更無胎毒痘症亦稀也素慣小產者更宜服以清其源

五味安胎丸

治同前 即前方用酒糊丸 此方白朮減半

芎歸補血湯

治同上 當歸 黃芪 白朮 杜仲 白芍 各一錢 乾姜 阿膠 五味子 川芎 木

香 人參 甘草 各五分 一方無木香 此兼治胎漏而墮

安榮湯

治同上 熟地 白芍 川芎 桑寄生 當歸 阿膠 香附 白朮 砂仁 黃芩 各一錢 糯米百粒

和痛湯

治小產心腹痛 四物各錢半加 延胡索一錢 澤蘭 香附 青皮 各八分 桃仁 紅花 各五分 加酒 童便

千金保胎丸

凡婦人三月小產者雖氣血不足乃中衝脈有傷中衝脈即陽明胃經供應胎孕至此時必須

節飲食絕慾戒怒庶免小產之患服此可以保
 全姜汁炒熟地阿膠土炒白朮姜杜仲酒
 當歸酒續斷各二兩陳皮四錢香附益母
 膠條芩各二兩陳皮醋艾葉川芎各
 一兩砂仁五錢棗肉丸

泰山磐石散

治氣血兩虛或肥而不實或瘦而血熱或肝脾
 素虛倦怠少食屢致墮胎人參黃芪當
 歸川斷黃芩各一錢熟地川芎白
 芍各八分白朮二錢炙草砂仁各五分
 糯米一撮但覺有孕每三五日進一服至
 四月後無慮矣

涼胎飲

治胎氣熱而不安生地白芍各二錢當
 歸黃芩各一二錢甘草七分枳殼石
 斛各一錢茯苓一錢半熱甚加黃柏一二

胎元飲

治衝任失守胎元不安不固者隨症加減用之
 或間日或二三日服一人參隨宜當歸
 杜仲白芍各二錢熟地二三錢白朮

四聖散

治漏胎下血黃芩陳皮七分無滯者不用
 錢半炙草一錢白朮一方有芍藥無阿膠
 等分每末二錢艾湯下此方若敗湯劑砂仁減半

固胎煎

治肝脾多火多滯而屢墮胎者 黃芪一錢
白朮一二錢 陳皮一錢 當歸 白芍 阿膠各錢半 砂仁五分

四物二連湯

治血虛發熱或口舌生瘡或晝安夜熱者 四物加胡黃連 宜黃連各一錢

臨產

沈金鰲撰

夫胎前產後皆爲易病之時。皆爲易病而難治之時。尤不若臨產時爲更危險也。蓋產之易者。諸凡順當。母子俱安。產之難者。生死反掌。必須救治。方能起死回生。稍不急救。多致夭枉。救不得法。藥不應手。亦莫能全生。可不懼哉。蓋有少婦初生。神氣怯弱。子戶未舒。腰曲不伸。展轉胎側。兒不得出。故難產者。有中年婦人。生育多氣血虛。而難產者。須胎前服調理之藥。乃易產。有臨產努力太早。兒轉未逮。以致胎落于膀。及兒欲出時。母力已乏。而難產者。先以獨參湯接力。次服藥。宜滑胎散有將產之際。思慮穩婆。不審其偏正。每腹痛努力催生。以致橫生逆產者。宜催生四物湯有體肥脂厚。平素安逸。而難產者。有石矮婦人。交骨不開。而難產者。蓋交骨不開。乃元氣虛弱。胎前失于調養。以致氣血不能運達。而然也。宜加味芎歸湯。交骨不開方。

有破胞久漿水瀝盡產門風進產路乾澀而難產者俗名瀝胞生

宜神有血先下或胞漿先下子逆上衝者宜子逆湯有產不下橫

逆生而欲絕者宜加味芎歸湯有臨產腰腹酸疼見紅者宜催生如意散有胎死

腹中不下者驗其舌色青黑腹冷是也宜二陳湯加朴硝五錢若天

寒時須使胎得暖氣纔下急服藥宜官桂丸此方暑天其死胎不

下反上沖心而欲絕者急服藥宜牛膝二兩砂仁丹參各二錢煎

有腹中積水腹大異常脉細而弱名曰胞水臨產必去水斗餘方

產者胎方載有臨產去血太多昏不知人產下即死曰血暈者宜芎

若產後虛脫兼防血暈宜人參鹿角膠蘇木煎入童便服有火盛血奔上而昏暈

者宜清如不醒以韭汁和醋灌之或醋炭法熏之又不起急招人

中提頂心頭髮姜汁童便灌之即活有失血過多虛熱太甚目暗

神昏手足冷者宜川芎當歸人參有纔產忽然噤口語言顛倒乍

見鬼神由敗血攻心者宜妙有臨盆用力太過氣血暈悶不省人事者
宜膠珠湯有將產而痢不止者
宜四君子湯加白芍杜仲赤石有
子下而胞不下由敗血灌入胞中者宜牛膝歸尾湯牛膝芒硝酒
下或胞不下而臍腹堅疼脹急病更甚宜牛膝湯有兒腹下後膀胱落
下名曰茄病或由臨盆用力太過或由血氣兩虛其色紫者可治
白者難治先用薰洗法宜急以黃連狗脊五倍子水楊根枯礬各
一二日急服藥
宜補中益氣湯十全大補湯
自愈
去茯苓加陳皮枳殼萊菔
忍名曰癰疾者宜鐵粉散外用
有氣血虛而產門不閉必須大補
者宜加味芎歸湯一法用至臨產危症莫有如偏產倒產橫產碍
石灰炒熱淬水洗即閉
產盤腸產悶臍產數大端最爲生死交關之候然亦非無法以處
之者切不可驚皇擾亂致產母心怯然後依法治之無弗安然也
其原因由方治俱採前人之論詳錄于後以前人論極明當毋庸續

說也。其有胞水先破，不即產，甚至延及兩三日，四五日者，此亦甚險。急早調治。宜魚膠五錢，煨存性，酒下。或冬葵子三錢，炒煎服。夫如是而臨產之病，庶可免矣。

脉法 脉經曰：懷妊離經，其脉浮，設腹痛引腰脊，爲今欲生也。又曰：懷妊六七月，脉實大堅牢，弦緊者生，沉細者死。又曰：脉勻細，易產；大浮緩，氣散難產。脉訣云：欲產之婦，脉離經沉細而滑也，同名。夜半覺痛，應分誕。來朝日午定知生。又曰：身重體熱，寒又頻，舌下之脉黑復青，反舌上冷，子當死。腹中須遣母歸，冥面赤舌青細尋看，母活子死定應難。唇口俱青沫又出，母子俱死。總教揀面青舌赤沫出頻，母死子活定知真。不信若能看應驗，尋之賢哲不虛陳。以上附驗看生死法。李挺曰：臨產六至，脉號離經，或沉細滑如無，即生。浮大難產，寒熱又頻，此是凶候，急于色微。

面頰唇舌忌黑與青。面赤母活。子命必傾。若胎在腹。子母歸冥。產難。嚴用和曰。有欲產。運悶者。乃臨產時。氣血忽然暈悶。不省人事。蓋因用力太過。脉理衰微。精神困倦。心胸痞悶。目眩口噤。面青髮直。命在須臾。急用來麤散。有胞肥難產者。乃身居富貴。口厭甘肥。聚樂不常。食物無度。既飽便臥。致令胞胎肥厚。根蒂堅固。行動氣急。蓋緣不曾預服瘦胎之藥。故至難生。入月可服無憂散。則易生。萬全曰。凡臨產一二日間艱難者。只以加減五苓散主之。如過二三日人事強實。飲食能進者。此胞漿乾澁也。加味四物湯調益元散主之。如過二三日人事困頓。飲食少者。此中氣不足。不能運動其胎也。加味四君子湯主之。如三四日不產。或胎死腹中者。奪命丹主之。又曰。凡兒逆生。切不可用針刺足心。及鹽塗之法。兒痛上奔。母命難存。又曰。凡患盤腸。

生恐防再犯者。宜于此後無孕時。多服地黃丸。加五味子一兩。肉桂一兩。以固下元之關鍵。及有孕時。多服胡連丸。加人參一兩。以補氣。又服三補丸。以涼血。如滑胎瘦胎之藥。切勿輕服。于入月之時。再服八物湯。加訶子。瞿麥。蜜炙。粟殼。服十餘劑。庶可免矣。張介賓曰。妊娠將產。切不可占卜問神。使巫覡妄言凶險。恐嚇謀利。禱神祈保。產婦聞之。致生疑懼。夫憂慮則氣結滯。而不順。多致難產。切戒。又曰。滑胎法。惟欲易產耳。然難產之由。在血之盈虛。不在藥之滑利。蓋血多則潤而易產。血虧則澁而難產。故于未產前。但宜以培養氣血爲主。如滑胎煎五福飲小營煎四物八珍之類。卽皆滑胎要藥。若用過滑利。或產期未近。無火無滯。而妄用清火。行氣沉降等寒涼藥。必能暗殘榮氣。走泄真陰。多致血虧氣陷。反爲臨期大害。若果肥盛氣實者。紫蘇

欽保生無憂散滑胎枳壳散之類皆可選用

死胎 陳自明曰子死腹中多因驚動太早或觸犯禁忌其血
先下胎乾涸而然也須驗產母舌若青黑其胎死矣當下之用
平胃散一兩入朴硝五錢水酒煎妙又熱病至胎死亦用前方
效郭稽中云母本患熱病臟腑極熱熏煮其胎致死而用黑神
散熱藥者兒死身冷不能出暖之即出也 劉完素曰兒死腹
中及血暴下胞乾不能產者半夏湯胞死不下三一承氣湯調
益元散五錢或須臾再用油漿調益元散溫服前後俱下而胎
下可活產母也夫難產死胎不一皆由風熱燥澁緊欽結滯產
戶不得自然開通故其症逆脉弦數而澁面赤或青或變五色
腹滿急痛喘悶胎已不動者是也手足溫而脉滑者只爲難產
但宜滑胎催生慎不可下也 李挺曰雙胎一死一生者用蟹

爪一盞甘草二兩東流水十盞煎三盞化阿膠三兩分三服則死者出生者安又曰通下死胎用霹靂丹奪命丸外用如聖膏塗足心仍用催生藥及通關散吹鼻卽下

胞衣不下 郭稽中曰胞衣不下因氣力疲憊不能努出或血入衣中脹大而不能下致心胸脹痛喘急速服奪命丹血散脹消卽下牛膝湯亦效亦有胎下力弱不能更用氣力產胞經停遇風冷乘之血道閉澁故胞衣不下者急取黑豆一合炒熱入醋一大盞煎三五沸分三次溫服 陳自明曰若腸出而氣虛不能入補中益氣湯或蓖麻子一兩研塗母頭頂心卽上急洗之胞不下塗石足心一下卽洗去緩則仍入益母丸亦效其血流胞下者急用奪命丹失笑散以消瘀血緩則不救其元氣虛不能送者腹中不服痛用保生無憂散以補固元氣

催生法 王肯堂曰滑以流通滯澁苦以驅逐閉塞香以開竅
逐血氣滯者行氣胞漿先破痠困者固血 張介賓曰所謂催
生者不過助其氣血而利導之直待臨期乃可用脫花煎或滑
胎煎隨症加減主之或經日久產母困倦難生俱宜服滑胎煎
以助氣血令兒速生其有氣虛無力艱于傳送者獨參湯隨多
少接濟其力皆爲催生要法若期未至而妄用行氣導血等劑
亦猶宋人之掘苗耳

臨產斟酌 保產要錄曰一臨產時最戒用力太早脉訣云夜

半覺痛應分娩來朝日午定知生由此言之則身痛半日後恰

便不可急定半日必痛之說

便不宜早用力

當產也但產之難易人各不同時亦有異有素易產素難產者
有先難後易先易後難者俱無一定如臨產腹痛不生非是難
生還是子未出胎產母切無懼怕即一二日至三五日無妨安

心定氣任其自然。勉強忍痛進其飲食。要坐則坐。要行則行。要

睡則睡。莫聽穩婆逼迫。用力太早。自己亦勿求速。旁人亦勿多

言驚慌。恐懼以亂其心。時至自然分娩。一穩婆逼迫。有二有不

知時候。惟恐後時者。有急完此家。復往他家者。極悞大事。一未

產前幾個時辰。子亦要出產戶。轉身至手被母用力。一遍即手

先出。轉身至腳。母力一遍。即腳先出。橫生倒生。皆因錯于用力。

其實無手足先出之理。但于將產時。穩婆以意推度。產婦以意

審詳。必是臍腹痛急。腰間重痛。眼中如火。糞門迸急。胞水或血

俱下。此時子已出胎。產母方用努力。庶不悞事。如數症未到。即

半日一日不產。切不可老少驚惶。求神許愿。恐產母見之。必生

憂慮。一有憂慮。自然胆怯。力衰。飲食難進。亦不可憫其痛楚。急

欲離身。強之用力。用力太早。關係母子性命。可不畏哉。一有用

力太早致水衣先破被風所吹因而產戶腫脹乾澁狹小但從容俟之無妨又有穩婆無知或有意害人私搯破水衣者極要關防一將產最戒曲身眠臥蓋產母畏痛多不肯直身行動以致胎元轉身不順兒將到產門被母曲腰遮閉再轉又轉閉則必無力而不能動決是難產人見其不動則爲死胎其實因無力非死也此時任有良方妙藥不能令子有力而動只要產母心安氣和漸漸調理可保無虞又有胞水已下子忽不動停一二日三五日者調治之外切戒驚恐憂懼暴躁蓋驚則神散憂則氣結躁暴則氣不順血必妄行多至昏悶知此善調自然無患一將產時須戒喧鬧進飲食蓋進飲食則氣充胆壯不致虛乏無力戒喧鬧則專靜自安不致疑懼惶惑一臨產腹痛而腰不甚痛者產未急也須扶起直身而行若行不得則倚物而立

一產時以飲食爲本。有等婦人臨產不能飲食。則精氣不壯。以何用力。必未產前預買人參二三錢。將產煎服。大助精力。勝于肉食。一交骨不開。由元氣素弱。胎前失于調攝也。用加味芎歸湯立驗。一天氣寒冷。產母血氣凝滯。兒不能速生。故衣裳宜厚。產室宜暖。背心亦宜溫。和庶兒易生。一盛暑之月。產母宜溫涼。得宜熱甚。則頭痛面赤昏暈。若產室人多熱氣蒸逼。亦致此患。若夏月風涼陰雨。亦當謹避。一將產錯用努力。手先出者名橫生。俗爲覓鹽生。夫鹽主收斂緊縮。且蜇人痛。兒手得鹽且痛且縮。自然轉身生下。其法急令產母仰臥。畧以鹽半分塗兒手心。仍抹香油輕輕送入。推上扶正。直待兒身轉頭出。然後服濟生方藥。以助精力。渴則以蜜牛小盞香油半小盞入滾水化開飲之。可以潤燥滑胎。令其易產。飢則食稀粥。令其中氣不乏。審是

兒欲來方扶挾起身用力一送兒卽生矣如送手入後兒轉身快則不必服藥足先出者亦治如上法一手足先出之患其始因穩婆不知時候悞叫用力其繼穩婆無主張任其出而不知治法反叫用力而致傷命今後但見兒手足稍有出意卽令產母仰臥輕輕送入莫令多出蓋出少則易入時未久則易入若出久則手足青硬而子必傷難以扶入且手足出非藥可入又切不可聽兒婦用刀斷兒手兒手一斷則必腹中亂攪而兩傷矣一產母危急時當看面舌面青母傷舌青子傷面舌俱赤子母無恙唇舌俱青子母難保凡產時子死腹中服回生丹三丸立下產母無恙若一時無此藥以平胃散一兩投朴硝五錢煎四五沸溫服其胎化水而出卽不服藥人不慌忙逼迫亦遲遲生下而不傷母蓋人腹中極熱惟不忙迫產母安心飲食腹內

信痛或切戒

熱氣熏蒸胎自柔軟腐化或一二日三四日自然生下但所出穢氣令人難聞此可見死胎不必用力況活胎乎一見有怪胎人不驚慌亦自然生下但穩婆有見識者勿令產母見之更妙一產時門戶俱正兒已露頂而不下此因兒轉身臍帶絆其肩也名曰礙產治法令母仰臥輕輕推兒向上以手指輕按兒肩去其臍帶候兒順正扶挾起身用力送下又有生路未正被母用力一逼令兒偏柱左右腿畔兒頭在產戶不下但云兒已露頂非頂也乃額角也名曰偏產治法亦令產母仰臥輕輕推兒近上審是偏左偏右以手扶其頭頂端正用力送下又有頭之後骨偏柱穀道兒乃露額名曰脹後治法于穀道外旁輕輕推兒頭令正然後用力送下或用膝頭令產母抵住亦可三產之難皆母曲腰坐臥用力太早致之二手法必厯練有分曉者不

可輕易一兒出戶時人卽以兩手輕抱產母胸前產母自亦以兩手緊抱肚臍令胎衣下墜如胎衣來遲只管斷臍洗兒但先用軟絹物繫住臍帶然後斷臍繫時宜輕巧牢固此帶極脆要用心拿定若血流入衣中血脹不下治之少緩脹滿以次上衝心胸疼痛喘急者難治但服奪命丹以速去衣中之血血散脹消卽下回生丹最妙服至三丸無不下者如無牛膝湯亦可濟生湯亦可用滾酒服失笑散亦可若腹痛手按稍緩此氣虛不能送出也用無憂散回生丹妙益母丸亦妙有用便捷方以草紙烟熏產母鼻令氣內納卽下或以滾水一杯磨好墨一二匙沖服卽下一盤腸生者未產腸先盤出其治法急將淨盆盛溫水寒天卽熱水少入香油養潤待兒并胞衣下時產母畧仰臥自己吸氣上升穩婆香油塗手徐徐送入一法以磁石煎湯服

之卽收上。礞石須陰陽家用過有驗者。又一法草麻仁四十九粒研塗產母頭頂。腸收上急洗去。遲則有害。又一法半夏末搗鼻中。腸自上。又一法以麻油潤大紙燃點火吹滅。以烟薰鼻。腸卽上。又一法腸出盛以潔淨水。濃煎黃芪湯浸之。腸卽上。此法最佳。唯服大劑補中益氣湯更妙。又有兒并胞衣下後。膀胱壅出產戶者。同前法送入。此皆用力太早之故。送入後宜服安內。臍藥一悶。臍生者。兒糞門有一膜。閉住兒氣。故不能出聲。以手微拍之。則膜破而能哭矣。如拍之不破。須女人輕巧者。以銀簪腳輕輕挑破。甚便。或不能挑。急用燂衣緊包。勿令散放。以熱水浸其胞衣。寒天則加火熱之久。則熱氣內鼓。其膜自破。出聲而甦。一產後產門不閉。乃血氣虛也。服加味芎歸湯。總以補氣血爲相宜。

達生篇說。亟齋居士曰。臨產有六字真言。一曰睡。二曰忍痛。三曰慢。臨盆又曰。或問臨盆服藥有益無損否。曰。安得無損。鼠兔二丸。大耗氣而兼損血。回生丹。大破血而兼損氣。蓋鼠兔例用香竄之藥。產時百脉解散。氣血虧虛。服此散氣藥。兒已出而香未消。其損多矣。且令毛竅開張。招風入內。禍不可言。回生丹以大黃紅花爲君。其餘亦多消導之品。血已耗而又大破之多。致產後發熱等病。遺患無窮。都只謂產後失調。誰復歸咎于藥。按此數方。古人稱爲神靈奇寶者。尙然如此。其他可知。或又問。總無可用之藥乎。曰。有。只須加味芎歸湯。佛手散。二方用之。不盡矣。蓋胎時全要血足。血一足如舟之得水。何患不行。二方皆大用芎歸。使宿血頓去。新血驟生。藥味隨地皆有。且使身體壯健。產後無病。真正有益無損。此皆先賢洞明陰陽之理。製此神

方以利濟後世奈何人只求奇怪之藥不論損益豈不可歎

臨產逐條要論

御纂醫宗金鑑坐草條曰凡產婦坐草最要及時不可太早若兒身未順寧可遲遲寬心以待又臨盆條曰凡兒之生自有其時時至則兒身轉順頭頂正當產門胞漿大來腰重腹痛穀道挺迸產母中指中節或本節跳動此方爲正產之時方可臨盆用力送兒自順生矣又曰臨產之家必用收生婆須預擇老成歷練明白經事之人無故切勿令其先使手法如試水探漿等事但囑令寬心寧耐可也又驚生條曰產室之內不可多人人多則語聲喧譁產母之心必驚驚則心氣虛怯至產時多致困乏號曰驚生有如此者須急急摒出只留服役一二人使寂靜而無嘈雜之聲則母心始安安則其心亦寧靜矣又產室條曰產室

之內四時俱要寒溫適中。若大熱大寒，均不相宜。夏月必須清涼，勿使炎熱，致產母中暑暈迷。冬月必須溫暖，勿令寒冷，以致血凝難產。又曰：妊娠月數未足時，或腹中痛，痛定如常者，此名試胎，宜養血以安其胎。若月數未足，腹痛或作或止，腰不痛者，此名弄胎，不宜輕動。二者均非正產之時，切勿躁擾，疑惑惟宜寧靜以待其時。

體元子借地法

東借十步 西借十步 南借十步 北借十步 上借十步

下借十步 壁方之中四十餘步安產，借地或有穢污，或有

東海神王，或有西海神王，或有南海神王，或有北海神王，或有日避將軍白虎夫人，遠去十丈，軒轅招搖舉高十丈，天符地軸入地十丈，令地空閒，產婦某氏安居，無所妨碍，無所畏忌，諸神

擁護百和速去急急如律令勒

此借地法于入月第一日硃書一幅貼產婦房內牆壁上更不須避忌諸神煞也

治臨產病方

加味芎歸湯

治一切橫生倒產。憑漿生交骨不開。子死腹中。等症。大劑連服。卽生。神驗。當歸二錢半。川

芎一錢。龜板一錢。酥炙。生子頭髮。瓦上炙。存性。一錢。水煎服。如人行五里許。卽生。一方當歸一兩。川芎七錢。龜板一個。頭髮一握。分量多少。臨時酌量。

佛手散

治一切橫生倒產。子死腹中。當歸五錢。川芎三錢。水七分。酒三分。同煎。七分服。一方

滑胎飲

遇橫生倒產。死胎加馬料豆一合。炒乘熱。泮水中加童便一牛。煎服。少刻再服。治臨產努力太早者。滑石一兩。冬葵子五錢。甘草一錢。酒下。末二錢。

催生四物湯

治橫生逆產。四物湯加枳殼。蜀葵子。

交骨不開方

治交骨不開。人參二錢。生地三錢。當歸錢半。牛膝錢六分。

神應散

治懸胞生。生蜜酒釀菜油各半杯煎
敷沸入童便潤腸易產

子逆湯

治子逆冲上。人參二錢砂仁一錢菜油
煎一兩

黃葵子散

治同上黃葵子七十粒炒研酒下

催生如意散

治臨產前見紅。人參乳香各一錢辰
砂五分雞子清調姜湯下

平胃散

治死胎不下。指甲青舌青脹悶口中作尿臭
蒼朮厚朴陳皮各一錢炙草五分水
酒煎好入朴硝五錢再煎三四沸溫服其胎化
血水下或用二錢順流水下
亦妙或用二錢順流水下

官桂丸

治同上。當歸官桂甘草白芍炮姜
生地各一兩黑豆三兩共為末酒下

清魂散

治產時血暈。澤蘭荆芥人參各一錢
川芎四錢甘草三分為末

牛膝歸尾湯

治胞衣不下。牛膝歸尾木通各三錢
滑石四錢秋葵子瞿麥各一錢半

牛膝芒硝湯

治同上。牛膝芒硝當歸紅花桃仁
酒煎

牛膝湯

治同上。延胡索五錢牛膝當歸各三錢
酒煎

妙香散

治敗血冲心。麝香一錢另研。辰砂三錢另

研。木香二錢半另研。姜山藥。遠志。茯苓。茯

二萸散

錢。酒下二錢。人參。桔梗。甘草各五

錢。治茄病。吳萸。山萸。川棟子各一錢。白

跌粉散

八分。小茴。五味各七分。茯苓五分。米

托藥

湯下。治子宮不收。當歸。磁石各五錢。鉄粉三

摻藥

錢。治同上。共為末。米湯下。草薺葉有角者。搗爛加枯礬末以帛

難產方

片攤藥托之。治同上。先用淡竹根煎湯洗淨次以五倍子

勝金丹

白礬共為末。先用淡竹根煎湯洗淨次以五倍子

草霜各一錢。川芎。當歸。梅皮。龜板。百

治虛勞婦人臨產。人參。白芍。赤芍。川

芎。丹皮各兩半。肉桂。茯苓。牛膝各二

兩半。當歸。白微各四兩。葉本三兩。以

上藥合一處酒浸一日。井水淘出焙末。四製

香附末一斤。熟地四兩。打和一處再入。赤

石脂。白。石脂各二兩。乳香。沒藥各一兩。

琥珀。白。砂各五錢。蜜丸。金箔為衣。酒

下汗出愈。兼治子宮虛冷。不肯服。二十九日

孕又治積年手足麻痺半身不遂又下死胎又
治崩帶又治產後等疾不論遠近並宜服之又
治男子五勞七傷

如聖膏

治難產及死胎不下十分危急者巴豆去壳
十六粒蓖麻子去壳四十粒麝香二錢
同打如泥攤絹帛貼臍上一時產下急急洗去

奪命丹

治產後血入胞衣脹滿沖心日久不下危急者
炮附子五錢丹皮炒乾漆各一兩以
醋一升人大黃末一兩熬成膏和丸酒下五十

牛膝湯

治胞衣不下腹脹滿即殺人服此即爛下
石末三錢冬葵子二錢木通當歸牛
膝瞿麥各錢半

奪命丸

治小產下血多子死腹中曾寒手指唇口爪甲
青白面色黃黑胎上搶心悶絕欲死冷汗出喘
滿不食或懷服毒物草藥傷動胎氣下血不止
胎尚未損者服之可安已死可下若胎腐腹中
危急者立可取出此方的係異人傳授至妙
桂枝丹皮赤芍赤芍桃仁等分蜜
丸芡子大空心服三九淡醋湯下此即仲景桂
枝茯苓丸但用淡醋湯下不同耳

蟹爪散

下胎極效。妊婦有病欲去胎者宜此。蟹爪二合。桂心。瞿麥各一兩。牛膝二兩。每末一錢。空心酒服。

滑胎煎

臨月宜常服數劑。以便易生。亦治胞衣不下。當歸三五錢。熟地三錢。杜仲。山藥各二錢。川芎。枳殼各七分。食前溫服。氣弱體虛。加人參。白朮。隨宜用之。

又方

治同上。阿膠八兩。滑石三兩。車前子一升。每末方寸七。米飲下。日二服。至生月乃服。此藥大利。九竅切不可。未至臨月先服。或多服。虛弱人亦不可服。

保生無憂散

治胎氣逆。難產。酒浸當歸。鹽枳殼。川芎。木香。乳香。另研各五分。炙草各錢半。血餘炭。另研。水煎。入二末。不拘時服。

半夏湯

治胞乾不能生產。半夏麴兩半。肉桂七分。黃五分。桃仁。各炒三十枚。先服四物湯一二帖。次服本方。每服片一錢。加姜三片煎。

小營煎

治胎衣不下。臨月服之亦易生。炒白芍。當歸。山藥。杞子各二錢。炙草一錢。熟地。二三錢。食遠溫服。

脫花煎

凡臨盆將產者宜先服此藥催生最佳并治難產經曰或死胎不下俱妙。川芎二錢當歸七錢或一兩肉桂一二錢牛膝二錢車前子一錢半紅花一錢生不用亦可水二盞煎八分熱服或服後飲酒數杯亦妙若胎死堅滯不下者加朴硝三五錢即下安胎聖藥條芩四兩砂仁畧炒炙草各一兩白朮蓮肉各二兩用山藥四兩打糊為丸米飲下

胡連丸

壽脾煎

五福飲

一各攝營煎治心脾氣虛胎動不安。白朮二錢當歸山藥各二錢棗仁錢半炙草一錢遠志三五七分炮姜一二錢炒蓮肉二十粒人參一二錢急者隨症多加治氣血俱虛胎動不安。人參隨宜熟地二三四錢當歸二三錢炙草一錢白朮錢半食遠溫服

紫蘇飲

治妊娠失調胎氣不安上攻作痛名曰子懸并臨產氣結不下等症。人參甘草各五錢大腹皮川芎紫蘇葉白芍陳皮各一兩每粗末一兩加姜煎一方無歸各一兩香附又一方無川芎各一兩無氣血虛而有火不安者宜兼逍遙散若脾氣虛

弱而不安宜四君芎歸湯

滑胎枳壳散

妊娠七八月宜常服此滑胎易產。即湖陽公主所服方也。麝枳壳二兩。炙草一兩。每末

三錢。干沸湯點服。一方加當歸木香等分。蜜

來麝散

凡所以佐枳壳之苦寒也。名內補丸。治臨盆用力太過。氣脈衰弱。精神困倦。目眩頭

暈。口噤。面青。髮直。不省人事。木香。神曲。陳皮。去白。麥芽。阿膠。黃芪。白芍。芎

一錢。甘草各三錢。糯米一合半。炒黑。生姜。水煎。如不下。挾口灌之。速進為妙。

加味四

子君湯

治嘔逆不止。人參。白朮。茯苓。炙草。半夏。陳皮。藿香。砂仁。每粗末四錢加

姜三棗二煎

油蜜煎

治難產。應漿胞乾。胎不得下。香油。白蜜。

童便各一碗。和勻。慢火煎一二沸。掠去沫。入滑石末一兩。或益母草末。攪勻。頓服。外以油蜜于

母腹臍上摩之。一方止。用油蜜童便能下難產。

辟瘟丹

治臨產忽然氣厥。目翻口噤。面黑唇青。未出子。母俱損。兩頰微紅。子死母活。蛇退一條。瓦礫。

內服 蠶退燒存性二錢 男髮灰一錢 黑鉛二錢半 製水銀七分半 千里馬即路上左腳草鞋一隻取鼻洗淨燒灰一錢 猪心血丸桐子大金箔爲衣每二丸倒流水灌下或入伏龍肝調下生着兒頭戴出

黑神散

一名催生如聖散治橫生逆產其功甚大並治胎前產後月水不止崩漏等症白芷不見火百草霜等分每末二錢以童便米醋和如膏加沸湯調下或童便酒煎進二服血得黑則止此方大能固血又免血涸甚妙一方加滑石末煎芎歸湯送下

附前人效方

三合濟生湯

治臨產艱難雖一日不下者服此自然轉動下生當歸三錢 川芎 枳殼各一錢 香附

大腹皮各一錢半 蘇葉八分 甘草七分 水煎必待腰腹痛甚服之即產一方加白芷一錢 此方乃以枳殼芎歸達生三方抽其精粹而成合此湯

產難方

治產難累日氣力乏盡不得生此是宿有病者宜此方 阿膠二兩 赤小豆二升 水九升 煮豆令熟去豆化膠每服五合不覺更服不過三服即出

勝金丹

治難產神效。敗兔毫筆頭一枚燒灰研細生
藕汁一盞下之立產若虛弱及素有冷疾者恐
冷動氣卽于銀器內重湯溫過服

沈氏尊生書卷四

婦科玉尺

產後

沈金鰲撰

俗云胎前一團火。產後一盆冰。理固然也。蓋以胎前每多邪熱。易至氣血沸騰。故如火。產後真元大損。氣血空虛。其如冰也必矣。故產後之疾。先以大補氣血爲主。縱有他疾。亦以未治之。或欲祛邪必兼補益。此大較也。其間又當細分氣虛血虛。血悶血脫。症候之別。以或補或洩之。蓋氣虛者當補氣。血虛者當補血。血悶者嬰兒下盆之後。血上冲心。以致牙關緊閉。面色赤。脉洪數。須問產時去血多少。可以行瘀藥導之。血脫者。因兒下之時。去血過多。面色白。唇舌色淡。短氣不足以息。脉來或沈或浮。宜用人參。卽血脫補氣之說也。然亦有血雖脫而瘀血未盡者。其腹內痛。必攻補兼施。血

脫者但骨節痛以此爲辨耳。夫產後氣血大虧固多虛症。然有全虛者。或有虛實兼者。間又有全實者。亦不可不辨。概作虛治。其說詳見于後。張氏論中。至月內產母。切不可恃健。不自保重。或勞碌以損榮。或多食以傷胃。外感六淫之邪。內傷七情之氣。倘絲毫犯之。甚至惡露未盡。而作熱作疼。真元難復。而爲勞爲痿。其爲患有不可勝言者。夫力壯易產者。尙不免感疾。況素虛弱。而可不慎乎。蓋產後病最重而難治者。莫如蓐勞。蓐勞之由有二。一由內傷。因產理不順。調養失宜。或憂勞思慮。傷其臟腑。榮衛不宣。令人寒熱如瘧。頭痛自汗。痰咳氣逆。虛羸喘乏。體倦肢怠。宜補虛湯一由外感。不滿日月。氣血虛耗。風冷乘之。與氣血相搏。不能溫于肌膚。令人發熱。憔悴飲食不消。肢體煩痛。若風冷之邪。感入于肺。肺受微寒。咳嗽口乾。頭昏體痛。榮衛受于風邪。流注臟腑。發眩盜汗。寒熱如瘧。

背膊煩痛肢體沈重此皆蓐勞之所由成也。宜白茯苓散加味佛手散人參諸甲散

其或兼內傷飲食洩瀉與夫瘀血未盡者皆有之不可不別也產

後又有三大病一病瘕二病鬱冒三病大便難仲景云新產血虛

多汗出喜中風故令病瘕亡血復汗寒多故令鬱冒亡津液胃燥

故大便難是也余每臨症詳察病情三者常相因如新產胃虛不

食往往昏冒而神不清或厥是鬱冒也。宜白微湯鬱冒則多汗必致瘕

宜鉤藤湯且多汗必液少而大便祕至五七日七八日之久宜養榮血

腸自潤矣。宜蘇麻粥產後血暈亦險症也。宜立應四物湯于產兒下地時用荆

芥炭五分童便調服可預防血暈之患其或血去過多而暈。宜歸湯

加入或為血閉血迷而暈。宜血竭破棺丹皆宜詳究產後中風口噤牙關

緊閉手足瘕癱者以氣血大損經絡空虛勞碌太早風邪從虛而

入。宜舉輕古拜散故忽然口眼喎斜痰涎潮壅或角弓反張。宜大豆

湯產後傷寒。因氣血大虛。雖有寒邪。不可大發散。宜芍歸湯加參

即或大熱不止。宜芎歸湯加黃連知母亦不可妄投峻劑。以耗元氣。苟非正

傷寒。不可絕其飲食。二者皆產後重症。不可輕視。產後發寒熱多

因血虛。只宜養血。其外感者十之一二。即係外感。不可大發散。只

宜和解。或陰分不足。憎寒壯熱。日輕夜重。宜四物湯加炭姜微熱加茯苓或血虛

發熱。而自汗心煩短氣。宜人參當歸散或因乳蒸而發熱。宜四物湯加黃芪花粉或

因收束骨節而發熱。此不必藥。只多服益母草湯足已。產後兒枕

腹痛。宜延胡索散或身體壯熱。小腹有塊而痛。亦名兒枕。宜歸尾澤蘭湯查蠶散

或不發熱。但腹痛。或有塊。時起時沒。亦名兒枕。宜延胡索散二症

皆產後所常患。幾于十人而八九調治之可也。產後心腹痛。則以

敗血凝聚。氣上冲心之故。宜大蠶蜜湯亦或七情相干。血與氣併而心

疼。宜延胡索湯亦或敗血攻刺心腹而疼。宜當歸失笑散亦或寒氣相侵而腹

疼。

宜理中湯吐加姜小使不利如茯苓腎氣動去水

產後遍身疼痛因氣血走動升發

常留滯于關節間筋脉引急或手足拘攣不能屈伸故遍身肢

走痛。

宜趁痛散

若瘀血不盡流于遍身則肢節作痛。

宜如神湯

產後頭痛有

由血虛所致者其症朝輕暮重時作時止雖亦太陽巔頂痛惟眉

稜骨不痛不可作外感治若風寒頭痛則無時間止并眉稜骨痛

耳然雖屬風寒亦宜以四物加減或手足搐搦咬牙頭痛而昏冒

者尤宜急治。

宜先用四物湯加減後用秦芫湯

有頭疼作嘔不食者乃血虛火炎

也。

宜麥冬橘紅湯如嘔止尚頭痛加天冬

產後腹痛嘔吐山惡露下少敗血乘虛散

入于脾而為脹滿胃受之則嘔吐也。

宜抵聖湯

或腹脹嘔逆為胃不和

宜枳梗

或乾嘔不止不思食為胃弱不和。

宜和胃湯

產後腿痛不能立

久而不進飲食此脾陰不足之候脾主四肢故病下體也。

宜石斛牛膝湯

甚則連腰臍腿腓俱痛則又兼腎氣之不足矣。

宜補骨四物湯

以上諸痛

症患之者雖不若寒熱兒枕痛之多要皆為產後所常患者外此

則有由內因者如產後不語因敗血上干于心心氣閉塞舌為心

苗故舌強不語宜逐血補心湯亦或痰氣壅滯目閉不言宜白礬湯吐之亦或惡

血攻心欲死而不語宜醋調服之產後浮腫有因敗血畜于五

臟循經流入四肢而化為水因乘虛浮腫者宜調有氣血大虛肢

體浮者不可利水宜入珍湯有浮腫而有水氣當利者宜宣氣湯產後怔忡

驚悸心血虛耗也必睡不寧宜養心湯心氣虛耗亦然宜茯苓湯產後

乍見鬼神由血虛之極敗血攻冲邪淫于心胡言亂語如見鬼祟

非風邪也宜調經散產後氣喘急下血過多榮血暴竭氣無所主

獨發于肺故令喘此孤陽絕陰難治若敗血停滯上朝于肺而亦

作喘宜奪命丹氣滯亦作喘宜蘇木湯若自汗不止飲湯即汗為氣虛

亦作喘宜蘇木湯加歸地黃芪不效宜補心心主血又汗為心液故血耗而

病汗也

宜白芍藥仁五味子等

痰飲盛亦作喘

宜潤肺湯

產後驚悸聞聲欲死非

他人用力抱持則虛煩欲死由心肝脾三經虛也

宜石斛散

產後五六

朝狂亂胡言持刀欲殺人乃陰血暴崩肝火虛炎也

宜澤蘭湯

產後陰

虛血弱有煩悶者

宜知母湯

亦有因虛耗而血熱心煩口渴者

宜涼血飲生脉

散產後失血或因去血過多兼腹疼身熱自汗

宜當歸黃芪湯

或兼眩暈

宜芎歸湯

或兼虛熱

宜芎歸湯加人參姜炭

或兼腹痛

宜加肉桂

或兼寒熱往來盜汗

脈浮

宜和解四物湯

或兼陰虛內熱而自汗心煩氣短

宜當歸建中湯

產後諸淋

宜茅根湯

或則敗血不止淋漓不斷

宜烏金散

或則淋久不止四肢沈困無

力

宜牡蠣散或則小便閉而淋瀝小腹膨脹

宜祐元湯

產後口鼻黑而衄由

產時氣消血敗榮衛不理散亂入于諸經不得還元故口鼻黑氣

而變衄血此乃產後虛熱成爲胃絕肺敗皆死症也

宜犀角地黃湯

若產

後即見鼻衄則由血溢妄行

宜必效四物湯

產後虛渴必口乾少氣足弱

頭昏目暈

宜熟地黃湯

產後消渴飲水不止由于液枯火燥已極

宜止渴四

湯產後小便不利

宜木通散

大便閉結宜通潤四物湯皆由火盛產後小便尿

血宜牛膝一味濃煎

一大便下血

宜黃連四物湯

皆由血虛而熱產後惡露不下有

結聚成塊心胸煩悶臍下堅痛者

宜當歸血竭丸

有惡露不下兼受冷熱

勞碌腰脊骨煩疼者

宜丹參散

有惡露不下寒熱交攻心慌昏沈腹中

痛者

宜通瘀飲

有惡露方下忽然斷絕驟作寒熱臍腹百脉皆痛如錐

刺由冷熱不調或思慮動作氣所壅遏血畜經絡者

宜沒藥丸

產後惡

露不止小便急痛

宜磨塊四物湯

或血下過多漸至瘦弱

宜八珍湯去甘草加厚朴黃柏

阿膠

或下如豆汁紫黑過多

宜加味四物湯

或至月餘猶淋瀝不止已爲

陷下

宜加味四物湯

或下不止至于數月及半載之久

宜千金方

或惡血不絕

崩血不可禁腹中絞痛氣息急

宜牛角肥丸

或惡露淋瀝不斷心悶短

氣四肢乏弱頭目昏重五心煩熱面黃體瘦

宜壯散

以上皆由于內

因者。又有由外因者。如產後下痢腹痛。裡急後重。宜香連散或痢

久不止。宜四君子湯產後瘧疾。治與胎前略同。卻宜以虛為主。其

或寒熱往來。或熱多于寒皆是也。宜草產後泄瀉。有挾寒腹痛。腸

鳴。小水清白。口不渴者。宜君苓湯加肉有熱泄。腸垢口渴。痛一陣。

下一陣者。宜君苓湯加黃有溼勝水泄者。宜湯產後霍亂。或渴而

飲水。宜五苓散或寒多不渴宜理中湯或吐利厥冷宜附子或腹痛甚而

手足寒。宜高良或轉筋。宜木瓜散不止產後偏正頭風。有頭疼目

眩者。宜愈風有風壅目眩。遍身疼痛者。宜四物湯產後四肢麻痺。皮

膚搔痒不仁。皆血虛風襲之。宜逐邪產後大驚恐而發寒熱嘔吐。

痰盛。嘔即汗出。宜八珍湯加黃產後悶傷腹痛。血崩。宜兼去瘀。宜

靈脂湯或產時穩婆悞損其尿胞。每致日夜淋瀝。宜參以上皆由

于外因者。而又有兼內外因者。如產後風痲。經云。諸風痿弱。筋攣

無力。血不足以養筋也。宜湯有血弱氣虛多汗。風搏而成痙者。其

症口噤。脊強反張。若汗出不止者死。宜大聖湯產後咳嗽。有因惡

露上攻肺經受邪者。宜二母散有感冒咳嗽。由外邪惡風寒發熱者。宜

蘇飲有產後血風感寒暑濕氣。咳嗽喘滿壅甚者。宜旋覆散產後腳氣熱

悶氣上冲。若因平日感六淫之氣。今又因產後血氣不足。遂襲于

足經。因乘虛而發也。宜獨活以上皆兼內外因者也產後之病。其

繁瑣累重若此。丹溪謂寧治十男子。莫治一婦人。正以此也。至于

生子有乳。乃天地化生自然之理。所謂有是子。則有所以養是子

者。其或不行。皆由氣血虛弱。經絡不調所致。或產後乳脹疼痛。由

年少之人。初經產乳。內有風熱也。須服清利藥。則乳行。若累經產

而無乳。亡津液故也。須服滋陰藥。若雖有乳。卻苦其少。須服通經

藥。并引以藥膳。蓋乳資于衝脉與胃經通也。此其大略也。其或產

後血氣盛實而乳汁不通

宜通草散

其或婦人肥盛氣脈壅滯而乳不

通又經絡凝滯乳內脹痛欲作瘰癧

宜漏蘆散

傳湯泉散

其或乳汁不通

或乳房結硬疼痛

宜皂莢散

其或氣血虛而乳不通

宜加味四物湯

其或乳脈

不行身體壯熱疼痛

宜玉露散

其或氣脈不足經

血衰弱而乳汁澁少

宜通乳湯

皆當隨症而各與以藥

乃有乳汁自出

者是胃氣虛所致

宜止以補藥

若乳多溢滿急痛溫帛熨之但以

漏蘆散亦可有未產前而乳汁自出者謂之乳泣生子多不育此

無藥可服至如乳上外症詳雜病中茲不重載

脈法

脈經曰診婦人新生乳子脈沈小滑者生實大堅弦急

者死診婦人新生乳子因得熱病其脈懸小四肢溫者生寒青

者死診婦人生產因中風傷寒熱病喘鳴而肩息實者浮緩者

生小急者死診婦人生產之後寸口脈焱疾不調者死沈微附

骨不絕者生。脉訣曰：產後因得熱病臨，脉細四肢暖者生。脉大忽然肢逆冷，須知其死不留停。陳自明曰：新產之脉緩滑吉，實大弦急死來侵。若得沈重小者吉，忽若堅牢命不停。寸口澁疾不調死，沈細附骨不絕生。審看此後分明記，長須念此向心經。

產後脉症總論 仲景曰：新產婦人有三病，一者病瘧，二者病鬱冒，三者大便難。何謂也？師曰：新產血虛，多汗出，喜中風，故令病瘧。亡血復汗，寒多，故令鬱冒。亡津液，胃燥，故大便難。產婦鬱冒，其脉微弱，嘔不能食，大便反堅，但頭汗出，所以然者，血虛而厥，厥而必冒。冒家欲解，必大汗出，以血虛下厥，孤陽上出，故頭汗出。所以產婦喜汗出者，亡陰血虛，陽氣獨盛，故當汗出。陰陽乃復，大便堅，嘔不能食，小柴胡湯主之。又病解能食，七八日更

發熱者此謂胃實大承氣湯主之又產後腹中疝痛當歸生薑
羊肉湯主之又產後腹痛煩滿不得卧枳實芍藥散主之又產
婦腹痛法當以枳壳芍藥散假令不愈此爲腹中有乾血着臍
下瘀血湯主之又產後七八日無太陽症少腹堅痛此惡露不
盡不大便煩躁發熱切脉微實再倍發熱日晡時煩躁者不食
食則詘語至夜即愈大承氣湯主之熱在裡結在膀胱也又產
後風續續數十日不解頭微痛惡寒時時有熱心下悶乾嘔汗
出雖久陽旦症續在耳不可與陽旦湯又產後中風發熱面正
赤喘而頭痛竹葉湯主之又婦人乳中虛煩亂嘔逆安中益氣
竹皮大圓主之又產後下利虛極白頭翁加甘草阿膠主之又
婦人少腹滿如敦狀小便微難而不渴此爲水與血俱結在血
室也大黃甘遂湯主之又婦人晝後臍燥喜悲傷欲哭象如神

靈所作數欠伸甘麥大棗湯主之。劉完素曰產後經水適斷感于異症手足牽搐咬牙昏冒宜增損柴胡湯前症已去次服秦艽湯去其風邪又產後風氣在表面目四肢浮腫宜七聖丸以利爲度如又喘嗽加木香枳櫚倍之謂氣多也如又昏冒加羌活川芎謂多風也又產後虛勞雖日久而脉浮疾者三元湯日久虛勞微有寒熱脉沈面浮宜柴胡四物湯日久虛勞針灸小藥俱不效者三分散日久虛勞不能食十全散又產後諸積不可攻當養陰去熱其病自退芍藥湯又產後衝脹胸中有物狀如噎氣不降紫金丹又產後頭痛血虛痰癖寒厥皆令頭痛加減四物湯如有汗者是氣弱頭痛也加芍藥三兩桂一兩五錢生姜煎如痰癖頭痛加半夏三兩茯苓一兩半生姜煎如熱厥頭痛加天麻三兩附子一兩半生姜煎又產後諸病但以雙

解散服之。通身中外血氣宣通。病皆除愈。然孕婦及產後月經過多。并泄瀉者。勿與服之。又俗未知產後亡液損血疼痛。怖懼以致神狂氣亂。則陰氣虛損。邪熱太甚。而爲諸熱症。由不讀素問。不知造化。故不識症候。陰陽反妄。以爲產後諸虛。百損。便爲虛冷。而無熱也。遂以熱藥溫補。或見煩渴者。不令飲水。本雖善心。爲害多矣。但以臨時審其臟腑六氣虛實。明其標本。如法治之而已。朱木震亨曰。產後血暈。因虛火載血上行。漸漸運來。方用鹿角燒灰。出火毒。研極細。酒全童便灌下。一呷卽醒。行血極快。大凡產後有病。先固正氣。又產後泄瀉惡露不行。此餘血滲入大腸。爲瀉洞洩。不禁下青白黑色。用荊芥穗炒黑。入麝研湯下。藥雖微。能治大病。方名的奇散。又產後纔見身熱。便不可發表。發熱惡寒。皆是氣血虛。左手脉不足。補血多于補氣藥。右手

脉不足補氣多于補血藥惡寒發熱腹痛者當去惡血腹滿者
不是腹痛者是又嘗見尿胞因穩婆不謹破損而得淋瀝遂爲
廢疾因思肌肉尚可完補胞雖在腹亦可治其症血氣必虛必
用大補以參朮爲君芎歸爲臣桃仁陳皮茯苓黃芪爲佐而煎
以猪羊胞極飢時飲之亦必多服氣血自長其胞自完恐稍遲
緩殊難成功李梴曰產體質無病不藥可也但難產氣衰瘀
血停留非藥不行古法產後用古芎歸湯加童便一半服之如
無童便以淡醋磨墨一小盞入煎湯藥亦好又產後百病皆血
虛大盛瘀血妄行而已間有內傷飲食外感風寒然亦必先逐
瘀補虛爲主又產後瘀消方可行補如左脉弱加補血藥右脉
弱加補氣藥如不兼逐瘀但服參芪停滯之劑有瘀血攻心卽
死者食肉太早亦然又凡產母但覺小水短少卽是病生便須

服藥調理脾胃肝腎如不愈者必氣滯且逆蓋婦人凡事多憂思悲怒憂思過則氣結而血亦結悲怒過則氣逆而血亦逆甚則乳鞭脇痛煩熱要之女病皆因氣血鬱結所以古方多用行氣藥薛己曰產後發瘧大補氣血可保無虞但攻風邪死無疑矣又產後寒熱因氣血虛弱或脾胃不足經云陰虛則發熱陽虛則惡寒若兼大便秘尤屬氣血虛切不可發表降火若寸口脉微陽不足陰氣上入陽中則惡寒補中益氣湯尺脉微陰不足陽氣下陷陰中則發熱六味地黃丸大抵陰不足陽往乘之則陽內陷而發熱陽不足陰往從之則陰上入而惡寒此陰陽不歸其分以致寒熱交爭故惡寒又發熱也八珍湯又婦人性情執着不能寬解多被七情所傷遂遍身痛肢節腫痛或氣填胸滿或如梅核塞喉嚨吐不出或涎痰壅盛上氣喘急或嘔

逆惡心甚者渴悶欲絕產婦多成此症宜四七湯先調滯氣更用養血若因憂思致小便白濁者用此藥香青州白丸子屢效又血出過多恆病睛珠痛不能視羞明隱澁眼睫無力眉骨太陽酸痛當歸養榮湯當歸補血湯除風益損湯選用有熱加黃芩脾胃不和惡心不進食加生姜產漏加阿膠復其血使有所養則愈然要忌鹹物經曰鹹走血血病無多食鹹王肯堂曰凡婦人患風氣臍下虛冷皆產後未滿百日會合之故慎之張介賓曰凡產後氣血俱去誠多虛症然有虛者有少虛者有全實者當隨人隨症辨其虛實以治不得有成心概行太補以致助邪又產婦虛症素弱之人多有之或于產後氣血俱去而更弱者亦有之總當因人察脉因脉察症若脉氣形氣病氣俱不足此當以全虛治之若形氣不足病氣有餘或兼火邪或兼

外邪。或以飲食停滯。此虛中有實。不可不審。此中委曲。未能
言盡。惟明者悟之。產後不虛症。或因素日無病。或以年少。或以
素耐辛苦貧勞之質。此輩無不足。一旦受孕。乃于無病腹中。參
入于此物。故致氣血壅塞。爲脹爲嘔。是皆添設有餘之病。及其
既產。始見通快。所留得去。仍復故。吾常人之產。此類極多。是何
虛之有。然或內傷。或外感。產後之病。難保必無。倘有所犯。去之
卽愈。若概行大補。果能堪否。卽臨盆帶去血氣。未免暫見耗損。
此等。橫。論。東。是。也。
然以壅滯之餘。不過皆護胎隨從之物。去者當去。生者旋生。不
出數日。必已來復。此生化自然之理。何至是。產皆虛也。凡遇此
類。固當因症用治。產後全實症。有如外感風寒。頭痛身熱。便鞭
中滿。脉緊數洪。大有力。此表邪之實症也。又火之盛者。必熱渴
躁煩。或便結腹痛。口臭。舌焦黑。酷喜令飲。眼眇。尿管痛。脉見洪

滑此內熱之實症也。又鬱怒動肝。胸膈脹痛。大便秘利。脉弦而滑。此氣逆之實症也。又惡露未盡。瘀血上衝。心腹脹滿。疼痛拒按。大便難而小便利。此血逆之實症也。又凡富貴家保養太過。或過用人參芪朮。以致血壅盛。過用糖酒炭火。以致內熱。或產本不虛。而妄用大補之藥。以致增病。此調攝之實症也。又或因產過食。并其勞困。固令勉強。以至停畜不散。此內傷之實症也。夫既有表症。則不得不解。既有火邪。則不得不清。既有內傷。停滯則不得不開通消導。丹溪但補氣血之言。豈可偏執。又病機機要云。治胎產之病。當從厥陰症論之。當無犯胃氣及上二焦。是爲三禁。謂不可汗。不可下。不可利小便。但使不犯三禁。則營衛自和。而寒熱自止。凡治法。如發渴則白虎。氣弱則黃芪。血虛則當歸。腹痛則白芍。大抵產病。天行從加。減柴胡。雜症從增損。

四物宜察脉症用之。按此雖爲產育之大法。然病發不同。倘有是症。不得不用。是藥所謂有病則病受之也。但此經常之法。固不可不知。而應變之權。亦不可執一。又新產後有陽虛而寒。從中生。或寒由外人。致心腹作痛。嘔吐不食。四肢厥冷者。大燄蜜湯。或理陰煎。產後有脾虛腎虛。而爲腹痛者。此不由產。而由臟氣不足。若脾氣虛寒。爲嘔吐。爲食少。而兼腹痛者。五君子煎。六君子湯。溫胃飲。腎氣虛寒。爲瀉。爲痢。而兼腹痛者。胃關煎。理陰煎。若飲食停滯。及氣逆作痛。亦當因類而消去之。排氣飲。大和中飲。按景嶽一書多偏溫熱。議亦駁雜。無甚特識。獨產後一門。則特闢精旨。能發前人之所未發。其酌方治。亦至當。不易誠婦科之寶錄也。

虛極生風 陳自明曰。產後生風。因去血過多。氣無所主。以致唇青。冷汗出。目眩神昏。命在須臾。此但虛極生風也。急服濟危

上丹若投風藥。悞甚。

感冒風邪。陳士鐸曰。產後太陽感風。大喘大吐大嘔。不治症也。喘則元陽將絕。況大喘乎。吐則胃氣將亡。況大吐乎。嘔則脾氣將脫。況大嘔乎。方用人參麥冬白朮當歸川芎荊芥桂枝。名轉氣救產湯。大劑與之。喘嘔止。當有生機。否則仍死。若太陽症。口吐膿血。頭痛欲破。心煩不止。腹痛如死。或作結胸。小見症。便難救。若齊見必死。方用佛手散。多加人參佐以肉桂荊芥。卽見功矣。產後少陽感風。詁語煩躁。更加驚悸者。死。蓋少陽胆經也。胆無汁。不能潤心。心無血。不能爲養。是以心中恍惚。而詁語煩躁。驚悸相因而生也。夫胆木受邪。不發表。則血無以生。然徒發表。則血更耗散。方以佛手散。加人參棗仁麥冬竹茹硃砂。熱地治之。產後陽明感風。而大喘大汗。亦不治。用麥冬人參元參桑

葉蘇子名補虛降火湯。若陽明症發狂亡陽不救也。狂症多實熱。產後則虛熱實熱可渴。虛熱不可渴。然正惟兼亡陽雖實熱仍屬氣虛。方用人參桑葉麥冬元參青蒿名收陽湯。一帖汗止。二帖狂定。不得服三帖。蓋此止可救亡陽急症。不可據以治產後。二帖後即單用人參麥冬當歸川芎五味調理自安。產後忽感少陰症。仲景法用參朮溫之。吾以爲倘不應宜加附子甘草治之。凡感少陰之邪者神效。若少陰症三四日至六七日忽然手足踈臥息高氣喘惡心腹痛不救。此蓋少陰感寒邪而在內之眞陽逼越于上焦上假熱而下眞寒也。方用人參麥冬肉桂白朮吳萸微冷頓服。名平喘祛寒散。若半月後將至滿月亦患前症。又當用人參茯苓附子白朮當歸熟地山萸麥冬牛膝名護產湯。若少陰症腎水上泛嘔吐下利眞陽飛越亦死症。以產

後腎火衰。微爲寒。所祛水亦隨寒而趨也。方用人參白朮熟地
山萸茯苓附子肉桂車前名補火引水湯。若產婦手足青。一身
黑。不救。此陰寒最重而毒氣之最酷者。原無回生之法。姑以人
參白朮當歸附子肉桂大劑與之。如青黑退。庶有生機。否則仍
死。名開青散。黑湯。若但足純青。心下痛。雖較上症少輕。而寒毒
之攻心。則一亦致死。以前方投之。往往多效。蓋此症由下而上
一散其下寒。而上寒卽解。所以易于奏功。至產後四五日忽感
風寒發厥。乃陽氣既虛而陰血又耗。感寒邪以成之者也。方
用人參附子煎服。名轉厥安產方。產後厥陰感邪。嘔吐兩脇脹
滿者。必便血。不治。方用當歸麥冬各一兩。川芎五錢。三七末一
錢。名平肝救血湯。若厥陰症下利厥逆。躁不得卧。或厥不止。俱
是死症。方用人參當歸荆芥名參歸湯。

產後用藥 孫思邈曰婦人草蓐中傷風四肢苦煩熱頭疼與

小柴胡頭不疼但煩三物黃芩湯產後虛羸發寒熱飲食少腹

脹等疾增損柴胡湯 張從政曰產後之疾皆是敗血惡物發

作寒熱臍腹撮痛乳汁枯涸食飲少減醫者不察便謂氣血俱

虛便用溫熱之劑養血補虛止作寒治舉世皆然競傳黑神散

之屬能治產後一十八症非徒不愈而經脈澗閉前後淋閉嘔

吐咳嗽凡百熱症生矣若此悞死不可勝計曷若四物湯與涼

膈散停對下之利數行惡物俱盡後服淡甘之劑自愈又大產

之後心火未降腎水未升如黑神散補之輕則危甚則死又備

急丸以巴豆乾姜大黃三味蜜丸亦是下藥止可施于平素粗

劣之人若產後脹悶用之不死則危 李杲曰婦人分娩及半

產漏下昏冒不省瞑目無知蓋因血暴亡心神無所養心與包

絡者。君火相火也。得血則安。亡血則危。火上熾。故令人昏冒。火勝其肺。瞑目不省。是陰血暴去。不能鎮撫也。世醫多用滑石甘草石膏之類。乃辛甘大寒。能瀉氣中之熱。今血虧。瀉氣是陰虧。瀉陽使二者俱傷。反爲不足。虛勞之病也。惟當補其血而升降之。則得血而養神不昏矣。血暴下。是秋冬之令大旺。今舉而升之以助其陽。則目張神不昏迷矣。其可悞用寒涼哉。朱震亨曰。或曰。初產之婦。好血已虧。瘀血尙留。黑神散非要藥歟。余曰。初產之婦。好血未必虧。瘀血未必積。臟腑未必寒。何以藥爲。飲食起居。勤加調護。何病之有。誠有汗血體怯而寒。與之數帖。亦自簡便。或有他病。當求病起何因。病在何經。氣病治氣。血病治血。寒者溫之。熱者清之。凝者行之。虛者補之。藥多者止之。何用妄製藥方。致令無病生病。彼黑神散者。用乾姜當歸之溫熱。黑

豆之甘。熟地之微寒。以補血之虛。佐以炒蒲黃之苦。以防出血之多。芍藥之酸寒。有收有散。以爲四物之助。官桂之大辛熱。以行滯氣。推凝血。和以甘草之緩。其爲取用。似乎精密。然驅逐與補益。似難同方施治。設有性急者。形瘦者。本有怒火者。夏月坐蓐者。時屬火令。姜桂皆爲禁藥。至于將護之法。尤爲悖理。肉汁發陰。經之火。易成內傷之病。胡爲羊雞濃汁作糜。而又常服當歸丸。當歸建中湯。四順理中丸。雖是滋補。悉犯桂附乾姜僭熱之劑。臟腑無寒。何處消受。若夫兒之初生。母腹煩冤。便啖雞子。且吃火鹽。不思雞子難化。火鹽發熱。展轉爲病。醫者不識。每指他病。率爾用藥。寧不悞人。余每見產婦之無疾者。必教以卻去黑神散。與夫雞子火鹽諸般肉食。且與白粥將理。間以此少石首。煮令甘淡。食之。至半月後。方與少肉。彼富貴之家。驕恣之

婦卒有白帶頭風氣痛。膈滿痰逆。口乾。經水不調。髮脫體熱。皆是陽勝陰虛之病。安知非此等謬妄。啟之耶。若五積散之治產後餘血作痛。以蒼朮爲君。麻黃爲臣。厚朴枳殼爲佐。雖有芍藥當歸之補血。僅及蒼朮三分之一。且其方中言婦人血氣不調。心腹撮痛。閉而不行。並宜服之。何不思產後之婦有何寒耶。血氣未充。似難發汗。借曰推陳致新。藥性辛溫。豈可妄用麻黃之散。附以蒼朮枳殼。虛而又虛。禍不旋踵。此段專辨黑神散之非名論也樓英曰。續命湯大豆紫湯舉輕古拜散。太陽厥陰藥也。邪實脉浮弦有力者固宜。產後血氣大虛之人不宜。輕發其表。但用防風當歸散治之爲妙。虞搏曰。產後禁用酸寒。能伐生生之氣也。先哲制四物以芎歸之溫。佐以芍地之寒。是以寒溫適中。爲婦人諸疾之妙劑也。或用于產後。必取白芍以酒重復製炒去其酸。

寒之毒。但存生血活血之能。胡爲其不可也。薛已曰。腹痛發熱。或脹滿不食。水道滯澀。產後多有此症。薏苡仁湯。藥品和平。其功且速。

產後要論

御纂醫宗金鑑曰。產後發熱之故。非止一端。或飲食太過。或外感風寒。或瘀血停留。或亡血陰虛。或產後勞乏。或三日乳蒸。當詳其有餘不足。或攻或補。或用涼藥正治。或用溫藥反治。要在臨症細細參考也。凡產後頭疼惡寒而發熱者。屬外感。不當作傷寒治。惟宜用四物加柴胡。葱白服之。若陰血暴亡。孤陽無附。而外感發熱者。急進參附湯。遲則必大汗大喘。是陽欲亡。雖藥必無救矣。產後咳嗽。若感冒風寒。用旋覆花湯。卽荆芥穗前胡。麻黃杏仁。半夏茯苓。赤芍五味子甘草。旋覆姜棗也。若因陰

虛火炎上燥肺金而嗽者宜六味丸加麥冬五味子名麥味地黃湯滋其化源若因瘀血上冲入肺而嗽者宜佛手散加桃仁紅花川貝延胡索以破其瘀其嗽自愈 凡一應傷胎子死腹中者須當急下勿使上奔心胸然必驗其舌青面赤肚腹脹大腹冷如冰久之口中有穢氣出者方可議下然猶必審其人之虛實寒熱隨宜而施治之

產後當知 保產要錄曰一產後忌大喜大怒未可便上床伸足側卧令血不行宜用衣服靠住曲膝仰卧以手從心下輕輕按至臍曰五七次則惡血盡下次日乃止不問有無病痛宜以益母草煎湯攪和童便日服數次可免血疾及弱虛童便須臨時取用亦須用清秀不吃韭蒜者一乳汁乃血氣所成產後不可多食鹽鹽止血少乳且發嗽夏月忌貪涼用扇食冷物當

風睡夏月房中貯水一二缸解熱氣。冬月加火一二盆取煖氣。一兒生三日相傳洗三。如冬寒切不可洗。恐洗時風入臍中。臍風由此而起。卽初生亦戒浴。保全真元。一兒生下時欲斷臍帶。必以蘄艾爲燃。香油浸溼。薰洗臍帶。至焦方斷。其束臍須用軟帛厚棉裹束。日間視之。勿令兒尿溼臍。此預防臍風第一要緊事。一兒生次日三日。卽看口中上腭。如有白泡子。卽以銀挖耳輕輕刮破。將泡內白粒取出。勿令落入喉中。仍以京墨搽之。如次日不取。則泡老難刮。悞事。又有馬牙在牙根處。亦須挑破取出。以墨搽之一子初生下。母卽昏暈不省者。此時卽有藥不能入口。遲則又不能救。其法卽用柔軟舊衣。謹閉產戶。以知事女子曲膝抵住。勿令下面氣洩。又一人一手挽住頭髮。一手捫住鼻口。勿令上面氣洩。俟稍轉方用茶湯接氣。如再暈速換溼衣。

照前爲之一母血衣不可日晒兒溼衣不可夜露夜有鳥糞能
生毒瘡一滿月之期一月爲小滿月兩月爲大滿月此兩月內
不暴怒少勞碌禁淫慾終身無病且多生子一臨月不可洗頭
濯足恐致難產以上各條并保兒之法亦詳在內

治產後病方

四物湯

治婦人胎產諸疾多用此加減。川芎 當歸
白芍 熟地 等分水煎。產後血虛心加地骨皮
神遠志各五錢。產後敗血築心加地骨皮
產後潮熱加白朮北柴胡甘草丹皮地骨皮
熱加黃芩汗多加浮麥。產後病眼加細辛羌活荆
加大艾沒藥好酒。產後病眼加細辛羌活荆
芥菊花生甘草木賊草草決明石決明。產後浮
腫氣急腹大喉中水雞聲加丹皮荆芥白朮桑
皮杏仁半夏薄荷生薑馬兜鈴大腹皮赤小豆
葱白。產後不語失音加生詞子人參沙參百
藥煎蜜。產後欲推陳致新補血海治諸疾加
生薑。產後血塊不散亡血過多惡露不止加
茺莢陽燄人少用茺莢陰賊人多用。婦人產
後每日可一二服。產後病風加乳香龍骨茺

人參鼈甲散

熟地

人參

當歸

茯苓

肉桂

白芍

黃芪

一兩 川斷 三錢 牛膝 錢半 甘草 桑寄生 各五錢
一兩 猪腰一對 去膜水二碗 加姜三兩 煮
一碗 入藥二錢 葱白一段 烏梅半個 荆芥一錢

白茯苓散

治

勞傷

頭目

四肢

疼痛

寒熱

如瘧

加味佛手散

治

產後

血虛

勞傷

盜汗

多困

少力

婦科玉尺

產後

柴胡

前胡

各錢半 每咀片五錢加桃柳枝各三寸烏梅

補虛湯

治勞。人參 黃芪 肉桂 炙甘草 川芎 當歸 白芍 姜 棗

逐血補心湯

治產後失音不語者。心。肺。二。竅。為。血。所。侵。又。感。傷。風。故。也。當歸 錢半 生地 桔梗 柴蘇

葉 前胡 茯苓 防風 黃連 胆星 紅花 葛根 各一錢 人參 薄荷 升麻 各七分 半夏 錢二分 甘草 五分 姜 三片

涼血飲

治產後血熱。黃芩 赤芍 荆芥 川芎 麥冬 花柳 各二錢 甘草 一錢

調經湯

治產後面目四肢浮腫。當歸 桂枝 赤芍 各一錢 麝香 五厘 琥珀 另研 沒藥 另研 各二分 炙甘草 細辛 各三分

香連散

治產後下痢。木香 黃連

當歸黃芪湯

治產後失血。當歸 三錢 黃芪 二錢 白芍 一錢 加姜

和解四物湯

治產後發寒熱。四物湯加 柴胡 黃芩 人參 半夏 甘草 姜 棗

必效四物湯

治產後血。四物湯加蒲黃

補骨四物湯

治產後腰痛。四物湯加 川烏 茜草 菖蒲

通潤四物湯

治產後液枯大便秘。四物湯加 火麻仁

立應四物湯

治血暈。四物湯加 五靈脂不拘多少半生

磨塊四物湯

治惡露不止。四物湯加 延胡索 桃仁

愈風四物湯

治產後頭風。四物湯加 荆芥 細辛 麻黃 防風 甘草

瀉肝四物湯

治風熱壅盛。四物湯加 秦艽 連翹 防已 龍胆草

逐邪四物湯

治產後四肢麻痺。四物湯加 白附子 羌活 獨活 薄荷 白芷

止渴四物湯

治產後液枯火盛消渴。四物湯加 知母 黃柏 茯苓 黃芪

黃連四物湯

治產後大便秘結。四物湯加 黃連

加減四物湯

治產後頭痛血虛痰癰寒熱皆能令頭痛。川芎 當歸 羌活 防風 香附 炒 白芷 甘草 各一兩 蒼朮 兩五錢 石膏 二兩半

細辛 兩半

每粗末一兩水煎不拘時熱服

生薑 如有一兩

痰癰頭痛加半夏三兩茯苓一兩生薑

煎
熱厥頭痛加白芷三兩石膏二兩知母二兩
寒厥頭痛加天麻三兩附子兩半生薑二片

增損四物湯

治產後亡血榮衛虛損乍寒乍熱。川芎 當歸 白芍 人參 乾姜 甘草 等分

宣氣湯

治產後浮腫由于水氣者。白朮 郁李仁 葶藶 桑皮 炙草 赤苓 陳皮 川芎 當歸 白芍 生地

人參當歸散

治產後去血過多陰虛內熱。人參 當歸 熟地 麥冬 白芍 肉桂 加姜 竹葉

大聖湯

治產後風癢多汗。川芎 黃芪 麥冬 加姜 當歸 木香 人參 甘草 羌活 茯苓 白朮 地黃 茯苓

血風湯

治風癢。秦艽 羌活 白朮 錢半 川芎 錢二 各一錢 白芷 半夏 各八分

益榮湯

治產後血虧心失所養而怔忡。紫石英 當歸 黃芪 炙草 遠志 茯神 木香 人參 白芍 柏子仁 甘草

茯苓湯

治產後心虛。人參 甘草 山藥 當歸 茯苓 桂心 麥冬 遠志 大棗 生薑

舉輕古拜散

治產後中國不語手足攣攣。荆芥穗一味為

小續命湯

治產後汗多變症口噤項強或搖頭馬嘔不時
舉發氣息如絕又治產後中國身軀緩急或頭
痺不仁或口眼喎斜牙關緊急角弓反張防
風一錢心麻黃防己各七分芍藥人參川芎

五分肉桂心炙草四分中風有熱去附減桂半

中風有汗去麻黃加葛根中風有熱去附減桂半

附子加白芍中風加犀角中風恍惚加茯苓遠志

中風煩心多驚加犀角中風恍惚加茯苓遠志

參半夏煩心大便澀去附加芍入竹瀝盛冬初春

風煩問大便澀去附加芍入竹瀝盛冬初春

去芍風虛有汗去麻黃

治產後風虛有汗去麻黃

症酒獨活兩半馬料豆半升酒三升一先

用酒浸獨活兩半馬料豆半升酒三升一先

知母湯

治產後煩悶新知母二錢酒煮麥二錢

婦科玉尺產後

卷四

五

調經散

治血氣虛損陰虛發熱或癰血停滯以致心神煩躁言語詭妄如見鬼神。琥珀另研。沒藥。桂心各一錢。酒浸當歸。赤芍各一兩。細辛二錢半。麝香少許。每細末五分。姜汁酒各少許調服。

妙香散

治產後心神顛倒。語言錯亂。如見鬼神。山藥。茯苓。茯神。黃芪。遠志各一兩。人參。甘草。麝香。桔梗各五錢。每末二錢。酒服。二錢半。麝香一錢。每末二錢。酒服。用生地當歸煎湯服立效。

黃龍湯

治產後發熱不止。兼治傷熱入胞中。寒熱。及病後勞復。餘熱不解。柴胡。四錢。八分。人參。黃芩。甘草各一錢。八分。有汗。口渴。加花柳白朮。無汗。口渴。加葛根。有汗。口渴。加芍藥。冬。疼不止。加川芎。白芷。心煩不臥。加茯苓。麥冬。嘔吐。加茯苓。半夏。胸膈滿痛。加枳殼。香附。浮大有力。大熱。大渴。本方合人參。白虎湯去東。姜。

君苓湯

治產後泄瀉。人參。白朮。茯苓。甘草。澤瀉。猪苓。

延胡索湯

治產後瘀血心忡 延胡索 當歸 白芍 厚朴 川棟子 蓬朮 京三稜 木香 枳

榔各一錢 桔梗錢二分 黃芩八分 甘草七分

二母散

治產後咳嗽 知母 貝母 人參 茯苓各一錢 桃仁四十九粒 杏仁四十九粒各去

參蘇飲

治產後感冒風咳嗽 人參 蘇葉 半夏 葛根 前胡 桔梗 枳壳 陳皮 茯苓 甘草 草 木香 姜 棗

高良姜散

治產後心腹痛甚 高良姜 當歸 草寇仁

木瓜散

治轉筋 木瓜錢半 吳萸 茴香各一錢 蘇葉五分 甘草三分

白微湯

治產後鬱冒 白微 當歸各三錢 人參錢半 甘草七分

鉤藤湯

治產後發瘧口噤背強 鉤藤 扶神 當歸 人參各一錢 桔梗一錢半 桑寄生五分 煩熱加石膏

趁痛散

治產後氣弱血滯 經脈拘攣疼痛 當歸 白朮 牛膝 黃芪 生薑 肉桂 蘇白 獨

活桑寄生

如神湯

治產後瘀血遍身作痛腰痛當歸延胡索桂心等分水煎服

奪命散

治產後敗血冲心胸滿上喘倚在須臾亦治產後血暈血入心總語言顛倒健忘失志及產後百病血竭沒藥等分每末二錢童便酒各半盞煎一二沸調下

固血湯

治喘急四物湯加黃柏桑皮楮白皮

蘇木湯

治氣喘蘇木人參麥冬

潤肺湯

治痰喘人參厚朴半夏官桂杏仁川芎當歸白芍生地

秦朮湯

治產後頭痛秦朮石膏各一錢炙草川芎當歸白芍羌活獨活防風

黃芩白朮熟地茯苓各五分生地六分白芷七分細辛三分冬加姜春夏加知母

烏金散

治產後淋瀝當歸五錢百草霜乾薑各二錢半金墨煨二錢

祐元湯

治同上甘草滑石瞿麥車前子木通川芎當歸白芍生地

牡蠣散

治產後久淋不止。牡蠣 龍骨各二錢 芎 生地 茯苓 當歸 人參 艾葉 地榆各一錢 炙甘草五分

參朮膏

治產時候損尿胞以致小便不禁。人參 白朮 等分煎膏每三匙湯下

抵聖湯

治產後嘔吐。赤芍 半夏 澤蘭 陳皮 人參各一錢

桔梗半夏湯

治產後胃氣不和。桔梗 陳皮各二錢 半夏 姜三分

和胃湯

治乾嘔。丁香 半夏 枳實 白蔻仁 麥芽 川芎 當歸 白芍 地黃 姜 棗

犀角地黃湯

治產後血。犀角 丹皮 白芍各一錢 生地四錢

石斛牛膝湯

治產後腿痛。石斛 牛膝 木瓜 白芍 棗仁 生地 杞子 茯苓 黃柏 甘草 車前子

澤蘭湯

治產後出血太多肝虛火炎。龍齒 茯苓 生地 當歸 牛膝 遠志 棗仁 澤蘭

石斛散

治產後血虛驚悸。人參 東仁 茯苓 遠志 志 白芍 石斛 麥冬 炙草 五味子 桂圓湯下

熟地黃湯

木通散

延胡索散

查蘇湯

歸尾澤蘭湯

血竭破棺丹

當歸血竭丸

孤鳳散

五靈脂湯

代赭石丸

治產後虛渴等症。人參四錢 花柳六錢 熟地五錢 姜 棗

炙草一錢 麥冬二錢 治產後小便不通。木通 滑石 葵子 枳

枳殼 甘草 治產後兒枕腹痛。延胡索 當歸各一兩

赤芍五錢 肉桂三錢 琥珀另研 炒蒲黃 各二錢半 紅花二錢 每末二錢食前童便

酒服 治同上。山查一兩 蘇木三錢

治同上。并惡露不下。歸尾 澤蘭 牛膝

紅花 延胡索 桃仁各一錢 乳香 箭頭巴豆研為丸冷

酒下 治惡露停結。當歸 血竭 蓬朮 五靈脂

醋糊丸酒下 治產後不語。明礬研末一錢熱水下

治產後閃傷。歸尾 陳皮 白朮各一錢

川芎 白芍 茯苓 人參各八分 炙草三

分 五靈脂五分 加砂仁 治同上。丹皮 炮姜 髮灰 酒白芍 醋

煨代赭石 醋地榆 酒生地

小柴胡湯

治產後鬱冒便難。嘔不能食。汗多病瘕。及草蓐露風四肢煩熱頭疼等症。人參 黃芩 生薑 甘草各三兩 柴胡半斤 半夏半升 大棗十二枚 水一斗二升煮六升去渣再煎三升溫服一升日三

芍藥湯

治產後虛熱頭痛及腹中拘急。白芍 熟地 牡蠣各五錢 桂心三錢 日三服 治婦人在蓐得風四肢煩熱頭不痛。黃芩 苦參各二錢 生地四錢 煎適口溫服日二服多吐下虫 分量加增至一二倍亦可

三物黃芩湯

濟危上丹

治產後去血過多氣無所主以致唇青肉冷汗出目瞑神昏命在須臾此虛極生風也急服此丹苦以風藥治之則候矣。乳香 五靈脂 硫黃 元精布 另研極細 阿膠 蛤粉炒 生卷柏 桑寄生 去白陳皮 等分先將上四味末和金石器內微炒勿令焦再研極細再入餘藥末和勻生地汁九每二十九食前溫酒下

防風當歸散

治產後瘕。防風 當歸 川芎 生地各一兩 每咀片一兩水煎

增損柴胡湯

治產後感異症手足搐搦涎潮昏悶。柴胡三錢 黃芩錢二分 人參 炙草 半夏各錢

婦科玉尺 產後

秦芫湯

半 知母一錢 石膏二錢 黃芪二錢半

咀片分二服加姜三棗二不拘時

增損柴胡湯症已去次服此方去其風邪秦

芫白芍柴胡各錢七分黃芪防風各

錢二分炙草錢三分人參半夏各一錢

咀片分二帖加姜三片煎食遠服

治產後日久虛勞發熱四物湯加白朮

茯苓黃芪各一錢柴胡人參各錢半

黃芩半夏甘草各五分姜三棗二食前

胃關煎

治產後腎氣虛寒瀉利腹痛熱地三五錢或

一兩炙草一二錢山藥白扁豆炒各二

錢炒焦乾姜一二三錢食遠溫服

白朮一二三錢食遠溫服

治產後氣逆食滯脹痛等症陳皮藿香

枳殼各錢半厚朴一錢澤瀉烏藥香

附各二錢木香七分至一錢熱服

排氣飲

大和中飲

治同上陳皮一二錢山梔麥芽各二錢
枳實一錢砂仁五分厚朴澤瀉各錢
半食遠溫服

大巖蜜湯

治素有宿寒因產大虛寒搏于血血凝不散上
冲心之絡脉故作心痛酒當歸熟地吳

黃炒 白芍炒 乾姜炒 獨活 桂心 小
草各一錢 細辛 甘草各五分 一方熟地
換生地

紫金丹

治產後衝脹胸中自物狀如噎氣。代赭石
礞石 等分 醋糊丸每二三十丸酒下 胸
中痛當歸湯下 久服治血癖

又方

七聖丸

治同上。代赭石一兩 桃仁泥炒三錢 大
黃五錢 薄荷湯打糊丸
治產後風氣壅盛。面目四肢浮腫。涕唾稠粘。咽
乾口燥。心膈脹滿。大便祕。小便赤。睡臥不寧。
酒蒸大黃 川芎 桂心 枳殼 木香各五
錢 郁李仁 羌活各一錢 蜜丸每十五丸
食後湯下 山嵐瘴地最宜服。量虛實加減。
如浮腫。又頭痛昏冒。加川芎羌活。謂風多也。如
只浮腫。但用本方。

通瘀飲

牛角腮丸

治產後惡露不通。心慌昏沈。寒熱交攻者。歸
尾 大黃各三錢 白朮 木通各一錢 紅
花五分 桃仁泥三十粒 水一碗酒一小盞
煎三沸入桃仁再煎一沸溫服
治惡血不絕。崩血不可禁。腹中絞痛。氣息急。
髮灰一兩 阿膠二兩 代赭石 乾姜三兩
婦科玉尺 產後 卷四

生地四兩 馬蹄壳燒一個 牛角屬醋炙

五兩 蜜丸

加味四物湯

治產後血崩如豆汁紫黑過多者 四物湯加 蒲黃 阿膠 蘇根 白芷

加味四物湯

治產月餘經血淋漓不止此陷下者必舉之也 四物湯加 升麻 白芷各一錢 血餘灰 另入五分

千金方

治惡血不盡或經月及半年者 升麻三兩 清酒五升 煮取二升分二服

沒藥丸

治惡露方行而忽然斷絕 寒熱腹痛 百脈 皆痛如錐刺非常此由冷熱不調或思慮動作 氣所壅遏血畜經絡 當歸一兩 白芍 桂 心各五錢 桃仁炒 沒藥研各二錢半 燕 虫去翅足炒 水蛭炒 焦各二十枚 醋糊丸 梧子大淡醋湯下三丸

產後調理方

產後服此永無疾病 香附一斤 醋童便各 浸三日將艾葉同煮乾取出打為餅曬乾為細 末 歸身酒炒 熟地各四兩 川芎三兩

產後主方

酒糊丸湯下 治同上 當歸 白朮 丹皮各一錢 益母 草三錢 川芎八分 紅花七分 陳皮五分

甘草三分 有瘀腹痛加延胡索八分痛甚 加肉桂三分查炭一錢 身熱汗出加黃芪一

斷產方 附

錢但身熱加茯苓三錢 汗出神虛加人參一錢 心虛胆怯加遠志棗仁各一錢 腰痠加牛膝杜仲川斷各一錢 風寒發熱及停食惡心或泄瀉減食宜另斟酌 神效不傷人 四物湯各五錢加 芸薑子二錢 經行後空心溫服 治同上。 蚕子故帟方圓一尺燒爲末經後酒服終身不孕

又方